

**Date – 11/09/2024**

**Time - 7:30 -7:40Hrs**

## **REGIONAL NEWS BULLETIN**

### **HEADLINES (MORNING)**

1. Cheng vbc 5 nuai 58 sing 4 & 5,780 hu ruihhlo an man khawn chu Central YMA in nimin khan a tiral.
2. Kolasib bialtu MLA, Deputy Speaker Pu Lalfamkima chuan Kolasib khawpui bawlhhlawh sawngbawlina hmun Solid Waste Managment Centre nimin khan a tlawh.
3. Prime Minister Narendra Modia chuan vawiinah SEMICON India, New Delhi-ah a hawng dawn.
4. External Affairs Minister Dr. S. Jaishankar chuan nimin khan Berlin ah German Foreign Minister Annalena Baerbock a kawm.

<><><>

### **CYMA DISPOSED DRUGS**

Cheng vbc 5 nuai 58 sing 4 & 5,780 hu ruihhlo an man khawn chu Central YMA in nimin khan a tiral a,

Nikum Dec ni 12 atanga kumin September 9 inkar chhunga a man te an ni a, Rev R. Vanlalngkhaka, Synod Moderator leh MKHC Chairman ni bawk chuan he hun hi a hman pui.

Rev R. Vanlalngkhakachuan kan leh Hnam bakah Kohhran tichhe tu, ruihhlo laka fihlim theih nana Central YMA inpekna leh thawhrimnaah lawmthu a sawi a. He lam kawnga Kohhranten theih tawpa a thawh ve theih baka tlawmngaipawl in ke a pen hi theih tawpa tha in ti chak tawnturin Kohhran lam chu a in hawng hle a ni a ti a. Taksa a nat chuan Thlarau a chak thei lo a, hmelmaphian mi a um hlum thak a duh a, hei hi hriatchian a tul hle a ni, a ti bawk.

Inkhawm hun tawi hman zawhah Ruihhlo thenkhat hi hal ral lovin Tui-ah chiah ral a ni a, a dang zawng chu dan anga ruihhlo tih ralna tur Incinerator ah hal ral a ni.

He hun hi Excise & Narcotics Deptt. atangte, Health Deptt. hnuaiia Food & Drugs Administration lam hotute leh Mizoram Journalist Association (MJA) hruaituten an hman pui a. Central YMA ten ruihhlo an do na kawnga an thawhpui Mizoram Presbyterian Synod hnuaiia Social Front hotute leh Kohhran hrang hrang thalai pawl rampum huapa hruaituten an telpui bawk a ni.

◇◇◇◇◇

### **GOVERNOR**

Larsap Dr. Hari Babu Kambhampati chu khawsik avangin Hyderabad-a Star Hospital panpui a ni a.

Hyderabad-a Star Hospital ah admit a ni a, Larsap Dr. Hari Babu Kambhampati hi ni nga chhung a khua a sik avangin phai lam panpui a ni a, Doctor-ten uluk taka an enfiiah hnuah result hmasa ah chuan chuap lamah harsatna a nei tih finfiiah a ni a, Intensive Care Unit-ah dahluh nghal a ni.

Larsap hi mi thiam rualten an enkawl a, a chanchin hi theih ang anga an hriattir zel tur thu doctor ten an sawi a ni.



## PM SVANNIDHI AWARD

COVID hripui len hnua kawngsira dawrte neite tanpuina sorkar laipuiin a duan, PM-SVANidhi Scheme hnuaiah Mizoram-ah pung tlem awma loan pek chhuah a ni a,

He scheme hnuaia loan hi installment chi thum - cheng 10,000, cheng 20,000 leh cheng 50,000 dawn theihna a ni a, he hamthatna mi sang 2 chuangin he hamthatna hi an hawng a ni.

Nimin khan he scheme hnuaia titha te hnenah lawmman hlan a ni a, lawmman hi Performance Recognition for Access to Financial Inclusion and Street Vendors Empowerment (PRAISE) Award tih ni a, UD&PA Minister Pu K Sapdangan lawmman hi semin, Best Performing ULB - Aizawl Municipal Corporation, Best Performing Lending Institutions - Mizoram Rural Bank leh State Bank of India, Best Performing Bank Branches Award-ah Mizoram Rural Branch atangin Champhai Branch, Durtlang, Khatla, Saitual leh Vaivakawn Branch, State Bank of India atangin Aizawl Branch, Dawrpui Branch leh In Touch te hnenah a hlan a ni.

DAY NULM Mission Director Dr. Andrew H. Vanlaldika chuan PM-SVANidhi Scheme chungchang sawifiahin COVID-19 Pandemic laia eizawna khaihlik, kawngsira dawrkai te eizawna siamsak niin pawisa pung tlem zawka lending institution atanga dawn theihna a ni a. Loan an lakah hian central sorkar chuan zaa 7 pung a rulhsak a ni. Kumin leh nikum India Republic Day hmanna-ah khan PM- SVANidhi beneficiary te chu India khawpui New Delhi-ah hruai an nih thu a sawi.

He hunah hian PM-SVANidhi hnuaia loan chinchang hre duh tan Loan Camp siam niin Street Vendors loan chungchang inhrilh hriatna hun hman nghal a ni.



## ORLD SUICIDE PREVENTION DAY

Mahni nunna lak hluar zel laka invenna leh inzirtirna ni, World Suicide Prevention Day chu nimin khan Mizoramah hman a ni.

He ni puala Mizorama hun hmanna pui ber chu Aizawla Directorate of Health and Medical Education Auditorium-ah neih a ni a, he hun hmanpuitu Health and Family Welfare Joint Secretary Pi Lalnunmawii Ralte chuan thusawiin mahni intih hlum duhna chu Mizoramah a hluar chho mek a ni a ti a, chung ngaihtuahna chu rilru lam natna-in a hrin chhuah a ni tih hriat chian a pawimawh a, mitin ten mahni bula awm, an chenpuite emaw, an thian leh lam hlaa awm pawh ni se, an chetzia leh khawsak phungah danglamna a awm leh awm loh thlithlai ngun a pawimawh a ti. Mahni intih hlum duhna mitin nunah a thlen loh nan rilru suk thlekte a eng zawnga her rema, harsatna tawhte hnehtu ni thei tura intih chhel a ngaih thu a sawi bawk.

He hun hmanpuitu Aizawl SP, Pu Rahul Alwal-a report atanga a lan danin Mizoramah kum 2014 atanga kum 2024 July thla thleng khan mahni intihlum mipa 794 leh hmeichhia 154, an vaiin mi 948 an awm a. Mahni intih hlum te hi kum 20 atanga kum 39 inkar tam berin, mi 584 an ni a. Kum 40 atanga kum 69 inkarin dawt lehin heng kum zingah hian mahni nunna la mi 201 an awm a , kum 1 atanga kum 19 inkarah mani nunna la 117 awmin, kum 60 chung lamah mi 41 an awm bawk.

Kumin bikah hian mahni intihlumna hi tum 49 a thleng tawh a Zirchianna in a tarlan danin mahni intihlum zinga zaa 84 chu mipa an ni a, hmeichhia zaa 16 an ni. Mizoramah hian kum 9 atanga kum 90 thlengin mahni intihlumna hi a thleng ni a chhut a ni bawk.

Mahni intihlum tum, mi beidawngte lo dawngsawnga, an harsatna leh buaina ngaihthlaksak tura Helpline TeleMANAS chungchang pawh he hunah hian tarlan niin TeleMANAS helpline no 14416 leh 18008914416 hmangin Counsellor leh thawktu dangte englai pawha biak pawh theih an ni a, Tin, anni bakah hian ARDSI Mizoram Helpline 7005983633 leh 9366191341 ah te pawh biak theih reng an ni bawk.



Kolasib bialtu MLA, Deputy Speaker Pu Lalfamkima chuan Kolasib khawpui bawhlhlawh sawngbawl na hmun Solid Waste Management Centre (SWMC) Dihmunzawl ami chu nimin khan tlawhin, bawhlhlawh sawngbawl dan a hmun ah a enfiah.

Kolasib khawpui bawhlawh sawngbawl hna hi tun September thla tir atang khan Waste Tech & Bio Energy te hnenah bawhlawh khawnkhawm leh sawngbawl hna pek (out source) tan ani a, hnathawktute chuan Digital Weight Bridge, Tui in tur thianghlim dah vawhna , Electric fan leh lirthei tlan awlsam nan a panna Kawngpui tih zau an mamawh thu te an lo thlen a, tawih thei leh tawih thei lo paih pawlh an la awm avanga an buai hrih thu an lo thlen a, an thu thlen hi Dy Speaker chuan chak taka bawhzui a tum thu a sawi.

Dy Speaker Pu Lalfamkima chuan, bawhlawh tawih thei leh tawih theilo paih pawlh awm chungchang sawiin mipui ah Awareness neih that a tul thu leh mipui ten kan bawhlawh sawngbawlna hmun leh an hnathawh dan te an hriat a, a hmun ngei a an hmuh tul a tih thu a sawi a, chutihruah chuan a hmun hma te nasa leh zuala tih tih fai a, tih thianghlim a tul thu a sawi bawk. Dy Speaker chuan SWMC chu Pilot Project a ni a, a wawi khatna anih avangin tih hmaih leh tih duh tawklo tam tak a awm ngei a rin a sawi .

Deputy Sepaker hi Kolasib DC Pu Robert C. Lalhmangaiha leh DUDO Pi Josephine Zonunsangi ten an tawiawm a ni.

<><><>

**SDC E ROLL PUBLISHED**

Sinlung Hills Council inthlan neih tur atana Electoral Roll duan chhin chu nimin khan Saitual District Election Officer Dr. Lalngura Tlau chuan a tlangzarh.

Dr Lalngura Tlau chuan State Election Commission hnuaiia dan siam chu a danglam hret avangin roll-a thun theih leh theih loh chungchangte pawh inzirtirna neih a tul thu a sawi a, revision neih zawh tak chu MLA inthlanpui hma a Special revision a nih thu sawiin kum 2024 October ni 1 a kum 18 tling tharte thun theih an nih leh nih loh enfiagna a nih thu a sawi bawk.

Saitual Bawrh SAP chuan Sinlung Hills inthlan neih tur chu a wawi hnih na tur a nih thu sawiin Political Party, Village Level Officer leh NGO hruaitute hnenah inthlanna thianghlim leh felfai a awm theih nan thawh ho puiah a sawm a, mipuiten chu an mimal zalenna thiang tak hmanga khawtlang, District, Constituency leh Ram hmasawna ngaihtuah ran tur leh mimal zalenna hmang thiam turin a chah a, Mizoram State Election Commission ah draft roll tihchhuah dil a nih hnuah wawinah tlangzarh theih a ni ta chu lawmawm a tih thu a sawi bawk.

He hunah hian Pu Lalthakima, Election Officer chuan Draft Electoral Roll kalphung leh buatsaih a nih dan te a sawifiah bakah, BLO te chu inthlan puala roll a inziahlul tumte pawh hre hmasa ber leh hrechiang bertu an nih dawn avangin roll thianghlim leh thianghlim loh chu an an kut a a inngah thui hle thu a sawi bawk.

Sinlung Hills Council Inthlan tum hnihna kumina neih tur kaltlanga buatsaih Draft Electoral Roll-in a tarlan danin Saitual District chhungah Constituency pali awmin polling station 12 a awm a, vote nei mipa 4071 leh hmeichhia 3953 an vaiin mi 8024 an awm mek a ni

<><><>

**SAICHAL TEACHERS QUARTER**

Saichal Development Council-in a Saichal khua a zirtirtu khaw dang atanga lo kal te tana chenna in an sak chu nimin khan hawn a ni.

Saichal khua a zirtirtu quarter hi Ngopa Sub Divisional Education Officer Dr. Lalhmangaihzuai chuan hawngin, he quarter hi Saichal Development Council chuan an khaw paltlang tur kawngpui laihna a vantlang ram lak hek avanga NHIDCL atanga zangnadawmna an hmuh atanga an sak a ni a, He In sak nan hian sum fai cheng nuai 13 vel sen niin hlawhfa tha 424, mistiri tha 99 sen a nih bakah ni thum hnatlang tha sen a ni bawk.

<><><>

**PM SEMICON**

Prime Minister Narendra Modia chuan vawiinah SEMICON India, New Delhi-ah a hawng dawn. SEMICON India thlirlawkin imin tlai khan PM Modi-a chenna inah Semiconductor Executives Roundtable an thukhawm a. Pu Modia chuan India chu khawvela semiconductor supply tu zingah ramdang tana thawhpui rintlak tak a ni thei tih a sawi a. Semiconductor chu Digital khawvel inngahna anih thu sawiin hun reiloteah semiconductor industry chu mamawhna a sang hle dawn a ni a ti a. Mipui rorelna democracy leh technology tangkawp chuan mihringte tan thil tha tam tak a pe thei tih sawiin India pawhin semiconductor sector lamah khawvel hriat a hlawh chho mek a ni a ti bawk.

Vawiina SEMICON India 2024 ah hian khawvel ram hruaitute, company leh smiconductor lama mithiam tak tak an lo kalkhawm dawn a. Exhibitor 250 leh thusawitu mi 150 chuang an awm dawn a ni.

<><><>

**EXTERNAL AFFAIRS MINISTER**

External Affairs Minister Dr. S. Jaishankar chuan nimin khan Berlin ah German Foreign Minister Annalena Baerbock a kawm. Thuchhuah siamin Dr. Jaishankar-a chuan German hruaitu nen hian thil pawimawh tam tak an sawi dun a ti a, West Asia abikin Gaza buaina leh a siamthatna chungchangte an sawidun a ti a. Khawvel thilthleng pawimawh leh UN Siamthat an duh thu an sawidun tih sawiin technology chhuak thar semiconductor, electric hmanga lirthei siamna leh energy thianghlim lama thawhdunna turte an sawidun a ti a. Free Trade Agreement lamah European Unioni nena thawkduna chak zawka hmalak theih anih a beisei thu a sawi bawk a ni.

<><><>